

Horeb de medio ignis. ¶ 16. *Ne forte decepti faciatis vobis sculptam similitudinem.*

R. ibi sermonem non esse de hac visione, sed de illa quæ in promulgatione Decalogi toti populo facta est, cui tanquam rudi et in idolatriam prono, non conveniebat imaginem aliquam exhiberi: apud Moysem vero et seniores (de quibus hic agitur) utpote sapientiores pariter et eruditiores periculum illud non erat, ne scilicet simulacrum Dei ficerent.

CAPUT XXV.

Ad fabricam tabernaculi jubet Deus sibi offerri primicias; id est prima et præstantissima, ut patet ex ¶ 3: insuper præcipit arcum fœderis construi cum propitiatorio et duobus Cherubim; item mensam panum propositionis, et septiceps candelabrum de auro mundissimo.

QUÆSTIO PRIMA. — CUJUS MATERIAE ET FORMÆ FUERIT ARCA FŒDERIS, ET QUID IN EA CONTINERETUR.

Sacrorum fabricam incipit Deus ab arca fœderis, tanquam omnium sacrorum præcipuo ac dignissimo. Materiam ejus assignans ¶ 10 ait: *Arcam de lignis setim compingite. Juxta S. Hieron. in cap. XLII Isaiae: setim est genus arboris nascentis in eremo, spinae alvae habens similitudinem: unde omnia ligna arcae et tabernaculi facta sunt instrumenta.* Hoc lignum est impetrabile, ut vertunt LXX, et levissimum (non pondere sed glabritate), fortitudine, soliditate, et pulchritudine omnia ligna superans. Dicitur autem simile spina quoad folia et colorem; nam tum quoad qualitates jam memoratas, tum etiam quoad magnitudinem a spina differt, cum ligna setim sint grandes arbores, non item spinae. Per incorruptibilitatem istius ligni mystice significatur Ecclesiæ indefectibilitas.

Forma describitur eit. ¶ 10, his verbis: *Cujus longitudine habeat duos et semis cubitos: latitudo cubitum et dimidium: altitudo cubitum similiiter ac semisem.* Sermo est de cubito vulgari, non geometrico, qui continet alias sex, quales Origenes respectu arcae Noe assignavit. Cubitus autem vulgaris seu communis est longitudine ab extremitate digiti, qui dicitur index, usque ad curvitatem brachii, quæ cubitus vulgo dicitur, continentque 24 digitos majores, seu pollices transversos. Proinde arcae longitudine continebat pollices 60, altitudo, ut et latitudo, pollices 36.

¶ 11: *Et deaurabis eam auro, id est non foliis, sed laminis aureis. Quod insinuat hebreus, in quo oco deaurabis, habetur: abscondes, cooperies, et vesties eam auro; idque intus et foris, ut tropologice significet animam justi, quæ est arca et templum Dei, tam interius quam exterius, debere esse sanctam, et undeque auro charitatis circumdatam. Facies supra coronam auream per circuitum.* Juxta A Lapide aliosque, corona non erat rotunda, sed quadrangularis, qualis erat arca. Plura de his videri possunt in Analogia Beccani cap. XIII.

R. Et dico I: In arca fuisse tabulas legis certum

est; nam hic ¶ 16 aperte dicitur: *Ponesque in arca testificationem, id est Legem, sive tabulas Legis: Lex enim saepe dicitur testimonium sive testificatio, quia continet attestationem divinae voluntatis, eaque Deus testatum reliquit, quid velit ab hominibus fieri.* Hinc dicta fuit arca testimonii, id est Legis: et arca testamenti, id est fœderis: continebat enim Legem, quæ erat conditio fœderis inter Deum et Hebreos initi. Ipsa quoque arca vocatur testimonium infra cap. XXX, 6; Levit. XXIV, 5; Num. XVII, 4; idque metonymice: quia scilicet arca in se continebat testimonium, id est tabulas legis.

Dico 2. Stricte loquendo, præter tabulas legis, nihil amplius continebatur in arca.

Prob. ex III Reg. VIII, 5, et II Paralip. V 10, ubi dicitur: *Nihilque aliud erat in arca, nisi duas tabulae, quas posuerat Moyses in Horeb.* Atqui hic textus, utpote clarus et negative expressus, excludit quilibet a tabulis istis distinctum: nec aliqua ratio appetat, sumendi vocem *nihil* accommodare, maxime cum liber Paralip. supplere soleat, quæ alibi omittuntur; ergo nihil aliud proprie loquendo in arca fuit, nisi duas tabulae decalogicae, quas de mandato Dei in eadem Moyses reposuit.

SOLVENTUR ARGUMENTA.—Obj. I. ad Heb. IX ¶ 4 dicitur: *In qua (arca testamenti) urna aurea habens manna, et virga Aaron quæ fronduerat, et tabulae testamenti.* Ergo prædictus textus Paralip. accommodare sumendus est. Ante responsionem

Nota, quod apparet hujus textus antilogia, fuerit una ex rationibus, ob quas olim Marcion et Arius, Lutherus, Brentius, Kemnitius, magdeburgenses et anabaptista Epist. hanc ex catalogo librorum sacrorum eradendam voluerint. Quin etiam, juxta Estium et alios, de ejusdem auctoritate dubitavit Cajetanus.

Verum de fide est, Epist. ad Heb. esse Scripturam canonica, prout definit concil. Florent. in instructione Armenorum, et Trid. sess. 4: estque hic patrum sensus, et consensus communis prisæ Ecclesiæ; ut suo loco exponunt interpretes. Videri desuper potest Bellarm. lib. I de Verbo Dei, cap. XVII, et Medina, lib. VI de recta fide, cap. XXV.

Resp. igitur cum catholicis, propositionem *in*, more hebraico, hic ample sumi, et complecti tam ea quæ proprie in arca erant (uti erant tabulae legis), quam ea quæ juxta arcam erant, ut erant virga Aaron, et urna. Unde sicuti varii sunt modi habendi, prout infra cap. XXX, Q. II. patebit, ita et varii sunt modi existendi.

Explicationi huic consonat phrasis Scripturæ, juxta quam illa, quæ sunt vicina loco alicui, in eodem esse dicuntur. Sic Jerem. XXXV, 2 de Rechabitis dicitur: *Introduces eos in domum Domini, in unam exedram thesaurorum,* cum tamen exedra illæ essent vel supra, vel juxta domum Domini. Joan. X, 23 legitur: *Ambulabat Jesus in templo,* cum non ambularet nisi in portico Salomonis, quæ non erat in templo, sed tantummodo juxta templum. Sic iterum ementes et vendentes Christus ejecit de templo, il-

est de locis seu porticibus vicinis templo.

Idem ergo in Epist. ad Heb. vult dicere Paulus de urna aurea et virga Aaron, quod Levitis præcepit Moyses Deut. XXXI, 26: *Tollite librum istum, et ponite eum in latere arcae fœderis.* Sicuti igitur liber Deuteronomii positus fuit non in arca, sed in latere arcae; ita quoque ibidem posita sunt urna aurea et virga Aaron, recteque dici potest hæc omnia fuisse posita in arca, id est, in latere arcae.

Unde et Moyses ex mandato Dei dicit Aaroni de manna supra cap. XVI, 43: *Repone coram Domino.* Ubi non dicit *in arca*, sed tantummodo *coram Domino;* quod satis naturaliter significare potest coram arca et propitiatorio, in quo, veluti in throno suo, Deus residet.

Illi addit Estius, quod longitudine arcae verisimilior capere non posset pedum pastorale Aaronis: nam longitudine arcae tantum erat duorum cubitorum cum medio; jam vero similis virga pastoralis istam longitudinem solet excedere. Ita ille.

Obj. II. Dicendum potius videtur cum Theophylacto, tempore Moysis in arca fuisse solas tabulas legis, sed postea a Jeremia urnam auream cum manna, et virgam Aaron in eadem fuisse deposita, ut melius servarentur; idque Paulum ex traditione accepisse a Gamalièle.

R. Neg. assumpt. quia ex textu clarum est, quod Paulus loquatur non de tempore Jeremie, sed Moysis, ejusque tabernaculo; asseratque hæc omnia tempore Moysis in arca fuisse: adeoque textus Apostoli ad tempora Jeremie, et instantem templi destructionem retrotrahi non potest.

Obj. III. Melius dici posset cum Catharino ad concilium Apost. cum lib. Paral. quod tempore Moysis quidem omnia illa in arca fuerint quæ Apost. commemorat, sed quod tempore Salomonis, cætera alibi sint deposita, solaque tabulae legis in arca sint reliectæ.

R. assumptum hoc, prout gratis singitur, eodem titulo facile rejici. Deinde Josephus lib. III, cap. 6, diserte testatur contrarium, asserens, tempore Moysis, solas legis tabulas in arca fuisse.

Consonat Scriptura; cum Moyses jussus sit ponere urnam auream, continentem gomor mannae, ante Dominum, supra cap. XVI: adeoque recte intelligi potest, urnam illam esse positam (idem dic de virga Aaronis) non in arca, sed coram arca seu in latere arcae.

Obj. IV. Particulæ *in qua* non debent referri ad arcam, sed ad tabernaculum, quod græce feminini generis est, sicuti arca: atqui omnia illa, quæ ab Apost. etumerantur, in sententia etiam nostra, stricte loquendo, fuerunt in tabernaculo; ergo propositio *in* non ample, sed stricte sumenda est apud Apostolum.

R. Neg. maj. quia de tabernaculo dicit, quod aurum haberet thuribulum et arcam testamenti, in qua urna aurea et virga Aaron; statimque subdit: *superque eam (utique arcam, non tabernaculum) erant Cherubim gloriae, etc.* ergo pronomen *eam* refertur ad

S. S. XXVI.

arcam: jam vero particulæ, *in qua*, ad idem omnino referendæ videntur; ergo referendæ sunt ad arcam: sicque genuinus Apostoli sensus est: *in arca erant tabulae, urna aurea et virga Aaron, sed super arcam erant Cherubim gloriae.*

Obj. IV. Dici potest quod liber III Reg. et II Paralip. agent de solis illis quæ legem concernebant: atqui urna manna et virga Aaron legem non concernebant; ergo licet omnia illa cum tabulis decalogicis in arca fuisse supponantur, salvator textus lib. III Reg. et II Paral., siquidem in hoc supposito *et nihil* non excludit quasvis alias res, v. g., manna et virgam Aaron, sed tantum excludit alia scripta ad legem pertinentia, puta præcepta judicialia, etc, de quibus cap. præced, ¶ 4, dicitur: *Scriptis autem Moyses universos sermones Domini.*

R. Neg. maj. Quia ut diximus, textus generalis est, et negative expressus, nec ulla est ratio sumendi vocem *nihil* accommodate (uti prætendit objectio), adeoque sic arca videtur includere tabulas decalogicas, ut quodecumque aliud excludat.

Obj. VI. Statui potest arcula distincta ab arca testimonii, a latere hujus posita, in qua fuerint urna cum virga, sicut cessat omnis apprens Scripturam antilogia.

Nihil hic esse affirmandum aut supponendum, cuius fundamentum ex Scripturis erui nequeat: porro nullum ex Scripturis habetur fundamentum adstruendi illam secundam arculam; ergo nec glossa Lyra subsistit. Quin potius Paulus diserte contrarium exprimit; cum de una eademque arca (et quidem arca testimonii) dicat quod in ea essent *urna aurea habens manna, et virga . . . et tabulae testamenti.*

Obj. VII. Quidni dicatur cum aliis, tabulas solas dici inclusas arcae, quia quid principalius erant, vel quia principalem in ea locum occupabant; quamvis interim nec urna aurea, nec virga Aaron excluderent? Etenim arca ad hoc videtur principaliter fuisse concocta, ut in ea reponerentur tabulae legis, juxta illud ¶ 16 hujus cap. : *Ponesque in arca testificationem.*

R. nec id dici posse, tum propter locum ex cap. XVI. supra cit. tum quia etiam textus jam in Object. cit. nullo modo dicit, tabulas in arca esse ponendas ex principali intentione; sed dicit simpliè quod Moyses tabulas legis in arca asservandas ponere deberet, nequidem implicita facta mentione de manna et virga Aaronis. Denique contra jam memorat opinione facit, quod dictum est supra in respons. ad Obj. V.

Dicendum itaque, ut supra observavimus, quod manna et virga Aaron coram arca, seu potius in latere arcae reposita fuerint. Dico potius *in latere*, quia ut bene reflectit A Lapide, verisimilior est, quod virga Aaron et urna manna ita posita fuerint coram Domino seu arca, ut non in pavimento (hoc enim indecens fuisset) sed in tabula aliqua, arcae adjuncta, forent reposita cum libro legis.

Conformiter ad jam dicta intelligi potest illud S. (Quatorze.)

patris Q. 105 in Exod. : *In arca jussa sunt ponit lex et manna, virga Aaron : nam S. P. ibidem non explicat, an rō in ponatur stricte, an late pro coram. Unde et Q. 61, ubi agit de repositione mannae, non utitur nisi rō ante Deum.*

Et hæc quidem omnia, ex sententia, quæ hodiecum communior videtur, dicta intellige: nam licet quædam aliae expositiones supra relatae non videantur subsistere; tamen ea, quæ asserit tempore Moysis omnia illa in arca fuisse, quæ Apost. commemorat, sed tempore Salomonis cætera alibi esse reposita, solasque tabulas legis in arca fuisse relicta, etiam admodum probabilis est, eamque cæteris præfert Gaspar Sanctius in cap. VIII lib. III Regum.

1. Quia id clare insinuat verba Apost. supra relata. Etenim eodem modo loquitur de manna et virga Aaron, quo loquitur de tabulis legis: atqui tabulæ legis erant in ipsa arca, ergo, etc. Ac proinde cum durum et inconveniens sit in eodem textu eamdem propositionem in semel accipere proprie, et semel improprie, non videtur subsistere expositio A Lapide et aliorum.

2. Quia hæc videtur etiam esse mens S. P. Aug., ut patet ex supra citatis ejus verbis. Itaque plausibiliter dici posse videtur cum Sanctio, quod omnia illa, quæ Apost. commemorat, fuerint a Moyse in arca deposita, non quod pro illis esset destinatum angustum istud claustrum et insigne sacrarium, quod erat quoddam legis archivum; sed quia, cum multo tempore instabile esset, et vagum tabernaculum Moysis, non satis commode videbantur alio in loco virga et urna locari, aut traduci posse commodius. Cum autem exstructum fuit templum, id est stabile Domini et arce domicilium, et loca religiosa et larga fuerunt, in quibus urna et virga in tabernaculo collocarentur, videntur ex arca extracta fuisse, ut suis sedibus, quasi in thesauris posita reservarentur: et propterea dicitur tunc nihil præter tabulas legis in arca fuisse, quasi ante illud tempus alia quædam in ea reposita fuissent.

Ad id autem quod supra dictum est, hoc videri gratis confictum, negatur assumpt.; nam non videtur dari melior ratio, cur Scriptura specialiter notet, tempore Salomonis nihil in arca fuisse nisi solas tabulas: si enim semper sole fuissent, inutiliter adderetur specialis illa annotatio. Unde in nullo alio loco, ubi de arca sermo est, illa additur nisi lib. III Reg., cap. VIII, lib. II. Paralip. cap. V. Ad Josephum autem dicitur, quod non habeat particulam exclusivam solas, adeoque non videtur contrarius.

Ad id vero quod dicit Estius, longitudinem arcæ verisimilius capere non potuisse pedum pastorale Aaronis, negatur suppositum, nempe quod virga Aaron fuerit pedum pastorale; quia nempe commode dici potest, quod fuerit scipio, seu baculus viatorius, qui sane ad hominis commodum usum brevis non est, etiamsi longitudinem arcæ non excedat. Vide plura apud Sanctum.

Prob. III. Vox hebraica *capporet*, teste Frassen, pro-

QUÆSTIO II. — AN PROPITIATORIUM FUERIT SUPRA ARCAM ELEVATUM, AN VERO IMMEDIATUM EJUS OPERCULUM.

Supra arcam erat operculum ex auro puro factum, quod dicebatur *propitiatorium*, ejusdem prorsus longitudinis et latitudinis cum arca, ut patet ex y. 17, ubi ejus materia et forma a Deo ita prescribitur: *Facies et propitiatorium de auro mundissimo: duos cubitos et dimidium tenebit longitudine ejus, cubitum ac semissem latitudine.* Illud vero arce operculum subinde dicitur *propitiatorium*, subinde etiam vocatur *oraculum*: *propitiatorium* vocatur, quia erat locus placationis, ubi Deus loquens cum Moyse placabatur et propitiabatur populo; *oraculum* vero, quia Deus dabit ibi vivæ vocis oracula, quando Moses vel summus sacerdos consulebat illum de rebus dubiis vel futuris.

Patet hoc Num. VII, y. ult.: *Cumque ingredereetur Moses tabernaculum federis, ut consuleret oraculum, audiebat vocem loquentis ad se de propitiatorio, quod erat super arcam testimoni inter duos Cherubim.*

De hac quæstione ita opinatur S. Th. 1, 2, q. 102, ad 46, ubi dicit: *Arca sita erat inter duos Cherubim, qui se mutuus vultibus respiciebant: et super arcam erat quædam tabula lapidea (debet esse aurea) quæ dicebatur propitiatorium SUPER ALAS CHERUBIM, quasi ab ipsis Cherubim portaretur.* Hanc opinionem sequuntur Cajetanus, Delrio et A. Castro.

R. et dico: Verisimilior tamen videtur sententia Abulensis, Bonfrerii, A Lapide, et aliorum tenentium, quod propitiatorium fuerit immediatum arce operculum. Cum illis sentit S. P. Aug. Q. 105 in Exod., cuius auctoritas hic pluris quam S. Th. facienda est. Igitur

Prob. I. Ex S. P. Q. cit. ita scribente: *Propitiatorium ad quid dicat superimponendum super arcam, quæri solet: sed cum aureum fieri jubeat, ejusque longitudinem et latitudinem tantam exprimat, quanta et ipsius arcæ dicta est, procul dubio velut tabulam auream et tantæ formæ fieri præcepit, et quæ tegetur arca: et ita ut in ipso propitiatorio essent duo Cherubim, et hinc atque inde in alterutrum attendentes: ita ut vultus eorum in propitiatorio essent, et et pennis suis obumbrarent propitiatorium.* Igitur juxta S. P. propitiatorium non portabatur manibus vel alis Cherubim, sed Cherubim erant super ipsum, et alis suis quasi tegebant propitiatorium; adeoque ex mente ejus satis liquet, quod fuerit immediatum arcæ operculum.

Prob. II. Ex inconvenienti, quod reperitur in opinioni contraria: necesse enim est, ut auctores oppositi ponant vel arcam superius patuisse, vel certe aliud habuisse operculum: atqui prius absolum est propter pulveres quibus arca et legis tabulae fuissent replete; posterior vero gratis fictum appetat, cum Scriptura satis exacte referat omnia quæ ad arcam pertinent, nec tamen mentionem faciat alterius operculi quam propitiatori.

Prob. III. Vox hebraica *capporet*, teste Frassen, pro-

prie significat opertorium; unde tum hic y. 20, tum Levit. XVI, 2, dicitur quod arca operiatur propitiatorio. Atqui per opertorium vel operculum, secundum ordinarium loquendi modum, intelligitur illud quod immediate tegit; ergo propitiatorium arcam immediate tegebat: nam alias non potuisset magis dici ejus operitorum, quam corona aliqua argentea, v. g., quæ tenebatur elevata manibus Cherubim super tabernaculum in templis nostris, possit dici opertorium ipsius tabernaculi.

Prob. IV. Propitiatorium erat tanta longitudinis et latitudinis quam ipsa arca: atqui si fuisse elevatum super alas Cherubim, non potuisset esse tantæ longitudinis; ergo.

Prob. min. quia Cherubim non in lateribus arce, sed super ipsam arcam stabant; ut patet ex y. 22: ergo non potuisset esse tantæ longitudinis quam arca, quia Cherubim occupabant aliquam partem summatis ipsius arce, nempe unus ex una parte, et alius ex altera; ergo spatium intermedium non poterat esse tantæ longitudinis quam arca, adeoque nec propitiatorium poterat continere longitudinem arce.

Prob. V. Omnes admittunt quod arca esset scabellum pedum Dei, id est, angelii in forma humana nomine Dei apparentis; atqui tamen non potuisset esse scabellum pedum ejus, si propitiatorium fuisse elevatum super arcam; ergo, etc.

Prob. min. Quia immediatum opertorium arce (quod nūnulli gratis asserunt fuisse distinctum a propitiatorio) erat ejusdem longitudinis ac propitiatorium, et directe sub propitiatorio ponebatur, cum propitiatorium saltem mediate operiret arcam, juxta opposite sententiae patronos: ergo angelus nomine Dei apparet super propitiatorium, et super illud (ut ipsi putant) sedens, non poterat figere suos pedes super immediatum operculum arce, quia illud operculum non excedebat propitiatorium.

Prob. VI. Infra cap. XXXVII, 7, dicuntur facti duo Cherubim, et positi ex utraque parte propitiatorio; y. 8 autem subjungitur: *Cherub unum in summate unius partis, et Cherub alterum in summate alterius partis, y. 9: extendentes alas et tegentes propitiatorium.* Idem habetur hic y. 20: atqui si propitiatorium fuisse elevatum super alas Cherubinorum, nec alas suas super illud extendere, nec eisdem illud tegere potuissent, quandoquidem in hoc supposito, alæ non supra, sed infra propitiatorium fuisse. Item nec potuissent dici positi in utraque parte, aut summatis propitiatorio; ergo propitiatorium non fuit super arcam elevatum, sed immediatum ejus operculum.

SOLVENTUR ARGUMENTA. — Obj. I. Verba jam allata nihil aliud innunt, quam Cherubinos illos occupasse utramque summitem propitiatorio: atqui hoc etiam verificatur in sententia opposita; propitiatorium enim alis suis sustentabant, et saltem partialiter tegebant, quia aliquæ plumæ extendebantur super propitiatorium; ergo, etc.

R. Transmissa maj., neg. min.: nam duo homines, v. g., non possent dici positi in utraque extremitate

seu summite mensæ, si pedibus suis starent super pavimentum, et manibus suis tenerent mensam elevatam; ergo nec isti Cherubim in utraque extremitate, seu summite propitiatorio juxta sententiam oppositam. Item nequaquam verum est, quod aliquæ plumæ potuerint extendi super propitiatorium; quia tunc istæ plumæ debuissent extendi sursum, quod est contra naturam et figuram alarum. Deinde juxta Scripturam non aliquæ plumæ, sed integræ alæ debebant extendi super oraculum seu propitiatorium; adeoque non aliqua exigua parte, sed integris alis Cherubim illud tegere debebant.

Obj. II. Secundum nos et omnes, Deus dicitur sedere super Cherubim, quamvis angelus nomine ipsius apparet, non secundum totum corpus, sed tantum secundum median partem, v. g., super alas Cherubim requiesceret; ergo etiam isti Cherubim possunt dici positi super arcam, item in extremitatibus propitiatorii, licet tantum secundum aliquam partem forent supra.

R. Neg. conseq. Disparitas est quod sedere secundum naturalem significationem non plus importet; cum homo dicatur sedere super scabnum, v. g., licet ejus pedes sint in pavimento. Ponit autem plus importat: nam duo Cherubim ineptissime dicerentur ponit super tabernaculum, v. g., si pedibus suis starent super altare, et tantum secundum medietatem corporis essent elevati super tabernaculum.

Obj. III. Hic y. 18 dicit Deus ad Moysen: *Duos... Cherubim facies ex utraque parte oraculi: Cherub unus sit in latere uno, et alter in altero.* Item Num. VII, 89, dicitur propitiatorium esse inter duos Cherubim. Ergo Cherubini non ponebant supra, sed in latere propitiatorii; ac consequenter propitiatorium erat super arcam elevatum.

R. Neg. conseq., quia sic erant in latere, ut essent positi in utraque extremitate, seu summite propitiatorii, ut patet ex Prob. VI. Erant igitur in latere oraculi, sicuti duohomines, v. g., stantes super utramque extremitatem mensæ, dicuntur esse in ejus latere. Similiter propitiatorium vere dicitur esse inter duos Cherubim, quamvis hi starent supra illud; sicuti pavimentum cubiculi dicitur esse inter duos parietes, tametsi hi supponantur erecti super pavimentum.

Obj. IV. Lib. I Paralip. cap. XXVIII, 2, arca dicitur scabellum pedum Dei nostri. Unde Psal. XCIVIII: *Adorate scabellum pedum ejus, id est, procidite coram arca supra quam ponuntur pedes ejus; ergo propitiatorium erat quasi sedes et thronus Dei, ipsa vero arca erat quasi scabellum pedum ejus.* Atqui hoc intelligi non potest, nisi dicamus propitiatorium fuisse supra arcam elevatum, et Cherubinorum alis vel manibus, aut certe aliis fulcris sustentatum, etc. Ergo.

R. Cum Cherubini haberent suas alas expansas, et sibi invicem conjunctas supra propitiatorium, Deus in illis veluti in throno sedebat; quo sensu Psal. XCIVIII dicitur: *Qui sedet super Cherubim, id est super alas Cherubinorum: pedes autem ejus in propitiatorio*

quasi in scabello requiescebant. Unde objectio non bene supponit quod arca esset scabellum, et non propitiatorium; quia utrumque simul, id est, tum arca, tum propitiatorium, erat scabellum pedum ejus, cum propitiatorium non esset ab arca divulsum seu separatum, sed ejus immediatum tegumentum, faciens unam quasi cistam, que superius mediante propitiatorio quodammodo inserviebat ad quietem pedum Domini: nec aliter poterat dici spectare ad thronum Dei (si tamen spectabat) quam pes vel scabellum dicitur spectare ad thronum regis.

Inst. Ergo potius Cherubim debuissent dici propitiatorium, quam ista tabula aurea.

R. Neg. illat. Quia equidem erat locus placationis, sive foret immediatum arcæ operculum, sive foret supra arcam elevatum.

P. cuius figuræ et speciei fuerint duo Cherubim, qui alii suis obumbrabant oraculum.

Nonnulli opinantur ejusdem prorsus effigie fuisse, cuius illa quatuor animalia apud Ezech. cap. I: ita ut nimis habuerint simul faciem hominis, aquilæ, leonis, et vituli seu bovis, et sex alas, ceteraque in Ezech. descripta. S. P. Aug. Q. 105 in Exod. dicit: *Creatura rationalis in multitudine scientie, quoniam hanc interpretationem habent Cherubim, duabus ipsis animalibus significatur.* Cæterum Cherubim non videntur semper eodem modo in Scriptura apparuisse: unde S. Joan. in sua Apocal. cap. IV singulis animalibus (que putantur eadem fuisse cum illis que apparuerunt Ezechieli) tantum unam attribuit faciem, item oculos multos, ante et retro, de quibus nihil in Ezechiele.

R. et dico: Sive plures habuerint facies isti Cherubim, sive unam tantum, verum est quod species humana in eis eminuerit.

Prob. Quia hic y. 20 dicitur in Hebreo: *Et facies eorum erant viri ad fratrem suum.* Et III Paralip. III, 13 dicitur: *Stabant erectis pedibus.* Præterea Cherubini Ezechieli, qui videntur his fuisse similes, habuerunt speciem hominis: nam habebant manus hominis, quibus accipiebant ignem, ut dicitur cap. X, Ezech. y. 7. Itaque videntur habuisse formam juvenum speciosissimorum alatorum, uiri angelii apud nos pingi solent, ad representandum eorum perennitatem, vivacitatem, vigorem, celeritatem.

S. P. Aug. mystice explicans y. 20, *Et vultus eorum sint in propitiatorium,* dicit Q. 105 in Exod.: *Quia misericordiam Domini, in qua una spes est, valde commendavit... pennis suis propitiatorium obumbrant, quia Deo, non sibi, attribuunt pennas suas, id est, Deum honorant virtutibus quibus præstant.*

CAPUT XXVI.

Describitur fabrica tabernaculi, nempe quatuor genera tegumentorum: deinde tabulae tabernaculi cum suis basibus: rectes stringentes hasce tabulas: velum unum appensum sancto, et alterum sancto sanctorum.

QÆSTIO UNICA. — DE STRUCTURA TABERNACULI.

Tabernaculum, ut ex hoc cap. liquet, erat tem-

plum mobile et portatile, quod per partes poterat dissolvi et convasari, quando movenda erant castra.

Quod structuram ejus attinet, longum erat triginta cubitis, latum decem, altum decem, et divisum in duas partes, quarum una dicebatur sanctum, habens viginti cubitos in longitudine, altera sanctum sanctorum, habens decem cubitos in longitudine. Erat ergo sanctum quadrangulum, quia erat longum 20, latum 10 cubitis: sanctum sanctorum vero erat quadratum, quia latum erat 10 cubitis, et longum totidem.

Sanctum dividebatur per velum a sancto sanctorum, ut patet ex y. 31 et 33: erat insuper aliud velum in introitu tabernaculi, ut habetur y. 37, expansum ex quinque columnis, efficientibus quasi quatuor partes in introitu tabernaculi: erat enim quasi ostium claudens tabernaculum ab oriente.

Cum autem tabernaculum undequaque tectum et velatum esset, clauso velo quo pendebat ante sanctum, seu in introitu tabernaculi, intus obscurum erat, maxime in sancto sanctorum, ad designandam arecanam Dei majestatem et secretissima veræ religionis mysteria.

In circuitu tabernaculi erat atrium, superne patens et sub dio, quod undequaque ambiebat tabernaculum, ita ut tabernaculum staret in atrio, sicut hinc et inde apud christianos templum solet stare in cœmitorio, infra cap. XL, 31. Structura atrii describitur cap. sequenti.

Tabernaculum autem ita erat dispositum, ut ejus introitus esset ab oriente. Cum vero sanctum sanctorum esset in posteriori tabernaculi parte, sequitur quod fuerit in parte occidental; adeoque quod, quando Iudei orabant facie conversi ad sanctum sanctorum, orarent facie conversi ad occidentem, modo nobis directe opposito; quia nostra tempora sunt communiter sic ædificata (nisi loci angustia vel dispositio impedit) ut summum altare sit in parte orientali.

In sancto erant candelabrum et mensa propositionis panum. Candelabrum ponebatur in parte australi, mensa autem in parte septentrionali. In sancto sanctorum erat area cum propitiatorio, item altare thymiamatis: ut infra cap. XXX, Q. II probabitur.

Sensu allegorico tabernaculum significat Ecclesiam, præcipue in hoc sæculo peregrinante: decem cornuta variegatae (de quibus y. 1) significant electos variis virtutibus ornatos; saga cilicina (de quibus y. 7) rectores Ecclesiae, quibus electi muniantur et teguntur: tabulæ sunt apostoli eorum que successores, quorum laboribus erecta est Ecclesia; bases argentei libri legis et prophetarum; vectes et annuli, promissiones cœlestes, quibus tota solidatur Ecclesia. sanctum sanctorum denotat cœlum; velum variegatum appensum, multiformem Dei gratiam: area in sancto sanctorum, sunt sancti in cœlo: super eos propitiatorium, id est Christus, qui est propitiatio pro peccatis nostris.

Mensa propositionis panum, est refectione animæ ex

beneficis Dei; candelabrum septiceps, illuminatio doctrinæ, et septemplicis doni Spiritus S. Altare thymiamatis, cultus Dei per incensum orationis, que omnia fusius deducta videri possunt apud Bedam, et D. Gregor. lib. XXV Moralium.

CAPUT XXVII.

Describitur altare holocaustorum cum suis basibus, craticula et vectibus: deinde atrium tabernaculi cum suis columnis et velis, quibus circumcingeatur; denique oleum lucernarum, earumque accensio.

QÆSTIO UNICA. — QUALE FUERIT ALTARE HOLOCAUSTORUM.

Vers. 1. : *Facies et altare de lignis setim.* Quamvis in hoc altari non tantum cremarentur holocausta, sed immolarentur quælibet victimæ; a nobilissima tamen sacrificii specie dici solet altare holocaustorum. *Holocaustum autem est totum igne assumptum,* inquit S. P. in Psal. XLIX.

Hoc altare positum erat ante tabernaculum in medio atrii sub dio, nempe propter ignem, fumum, et nidorem victimarum. Compactum erat ex tabulis e ligno setim, non ita ut altare esset quasi una moles lignea; siquidem y. 8 dicitur: *Non solidum, sed inane et cavum intrinsecus facies illud,* adeoque tabulae de lignis setim erant sibi adunatae instar arcæ sine fundo et opereculo; eratque æqualis longitudinis et latitudinis, ut habetur y. 4, scilicet quinque cubitorum in quadro.

y. 2. : *Cornua autem per quatuor angulos ex ipso erunt.* Existimant aliqui hæc cornua nihil aliud designare, quam quatuor angulos: nam celebre est tam apud scriptores sacros, quam profanos, cornu pro utriusque rei extremitate accipere, sicuti dicimus cornu epistole, evangelii, etc.; attamen melius dicitur, quod altare vere habuerit cornua, quæ vel uno tractu ex tabulis setim erant deducta, vel erant prominentia quedam epistyla, tanquam pyramides aut obelisci. Vide Torniellum ad annum mundi 2544, num. 75.

Ratio est 1. Quia Deus specialiter mandat ut cornua per quatuor angulos ex ipso altari procedant; atqui hoc frustaneum esset, si per cornua nihil aliud significaretur, quam rei extremitates, sicuti nunc dicitur cornu Evangelii; etc., nam impossibile est ædificare altare quadratum sine talibus cornibus; ergo, etc.

2. Quia Amos propheta cap. III, 14, de altari quod III Reg. XII, 32, ædificavit Jeroboam ad similitudinem altaris moysaici, dicit: *Anputabuntur cornua altaris et cudent in terram.* Hoc autem intelligi non potest de toto altari, vel de quatuor angulis ejus, sed de quatuor cornibus in quatuor angulis eminentibus. Item III Reg. I, 50, dicitur de Adonia: *Tenuit cornu altaris.*

3. Infra cap. XXXVIII, 1, dicitur: *Fecit (Beseleel) altare holocausti... cuius cornua de angulis procedebant.* Ergo ipsi anguli non erant cornua.

Ne autem tabulæ ligneæ, ex quibus altare hoc

compactum erat, lacerarentur ab igne, additur hic y. 2: *Et operies illud are.* Id est omnes tabulas co-operies laminis æneis, tam exterius quam interius.

Habebat insuper hoc altare craticulam æneam, in modum retis foraminibus plenam, ut dicitur y. 4: habebat etiam lebetes ad suscipiendos cineres, et forceres atque fuscinulas, et ignium receptacula, quæ omnia erant ænea, ut dicitur y. 3. Denique habebat arulam æneam, per quam intelligitur focius, id est, vas in quo ponuntur prunæ sive carbones ardentes, ut colligitur ex Jeremia XXXVI, 22: *Posita erat arula coram eo (rege Joakim) plena prunis.* Et y. 23 dicitur quod rex librum Jeremie combusserit igne qui erat in arula. Circa hanc craticulam difficultas est non modica, ubi scilicet illa craticula fuerit posita. Pro qua resolvida,

Nota, quod Hebrei, Abulensis, et Lyranus existiment hanc craticulam non fuisse immissam intra altare, sed fuisse per ejus circuitum, infra ad terram, altari circumdatam ad altitudinem cubiti cum dimidio, scilicet usque ad altaris medium, idque instar cancellorum, vel ad decorum et ornatum altaris, vel ad arcedendos homines ab altari, sicuti, v. g., videmus modo hinc et inde in Ecclesiis nostris ponи cancellos, quasi repagula quibus arcetur populus. Attamen

R. et dico: Longe verisimilis est, craticulam fuisse immissam in cavitatem altaris, et arulam infra craticulam circa medium altaris.

Prob. I. Quia infra cap. XXXVIII, 4, dicitur: *Craticulamque ejus in modum retis fecit, et subter eam in altaris medio arulam.* Erat igitur craticula supra medium altaris, et arula infra craticulam. Atqui si craticula fuisse quasi seps vel cancelli circum circa altare, non potuisset arula, quæ erat in medio altaris, dici esse infra craticulam; ergo, etc.

Prob. III. Quia nulla videtur ratio cur hæc craticula circumponeretur altari: non enim id videtur fuisse ad arcedendos homines, nam hi satis arcebantur mandato divino; et præterea etiam sic ista craticula arcuisset sacerdotes, vel debuissent illam transilire: deinde nec etiam id videtur fuisse ad ornatum altaris: nam non videtur Deus tunc voluisse altare ornari; ut liquet supra ex cap. XX, 24, ubi dicitur: *Altare de terra facietis mihi, etc.* Deinde y. 25 additur: *Quod si altare lapideum feceris mihi, non ædificabis illud de sectis lapidibus, si enim levaveris cultrum super eum, pollueris.*

Prob. III. Ab auctoritate S. P. Aug. qui Q. 113 in Exod. reflectens ad hæc verba y. 5 hujus cap., *Eritque craticula usque ad altaris medium, ait: Id est medium cavitatis ejus.* Item ven. Beda lib. II de Tabernaculo, cap. 42 in cit. locum dicit: *Altare totum concavum fieri præceptum est, sicut in sequentibus patet, sed et in medio habens craticulam per totum in modum retis distinctam, in qua victimarum carnes comburende ponebantur, et subter eam arulam, in qua compositis lignis ignis arderet semper ad devoranda holocausta paratus.*

SOLVUNTUR ARGUMENTA. — Obj. I. Hic y. 5 dicitur